

Mzuka wa ruzuku



Kijitabu hiki kimetayarishwa na watendaji wa Tamasha kwa
kushirikiana na Twaweza.

Waandishi:
Richard Mabala na Churchill Shakim

Mchoraji:
Daniel Mzena

Wahariri:
Justice Rutenge na Evarist Kamwaga, Twaweza

Usanifu:
Churchill Shakim

©Tamasha/Twaweza - 2013



Barua:
TAMASHA
S.L.P. 15044, Arusha, Tanzania

Simu: +255-714-661-544
Baruapepe: vtamasha@gmail.com
info@tamashavijana.org
Wavuti: www.tamashavijana.org

Unaruhusiwa kunakili sehemu yoyote ya kijitabu hiki kwa
sababu zisizo za kibiashara tu. Unachotakiwa kufanya ni
kunakili chanzo cha sehemu uliyonakili nakutuma nakala
mbili kwa Tamasha.

Utangulizi

Ndugu wasomaji,

Watoto wetu wanaenda shule, lakini je, wanajifunza? Majaribio ya Uwezo yanayofanyika nchi nzima yanaonesha kuwa wanafunzi wengi sana hawajui kusoma na kuhesabu. Moja ya sababu zinazochangia kukua kwa tatizo hili ni ukosefu wa vifaa vya kufundishia. Shule za msingi na sekondari za umma zinapaswa kupokea ruzuku yaani fedha ya kununua vifaa hivi. Ruzuku isipofika mashuleni, watoto watapata elimu ya aina gani?

Tukae tu tukiangalia watoto wetu wakienda shule bila kujifunza chochote, au tufanye kitu kutatua tatizo hili?

Fuatilia hadithi hii kujua unachoweza kufanya.

Richard Mabala
Mkurugenzi, Tamasha.

Wahusika



Bonge

Mjasiriamali, mchambuzi wa mambo na mkereketwa wa maendeleo



Bibiye

Mwelimishaji rika, mchambuzi na mwanaharakati



Mwenyekiti

Kiongozi anayesikiliza na kuheshimu vijana. Mpenda maendeleo lakini anaamini zaidi msaada kutoka nje kuliko nguvu ya wananchi



Mtendaji

Mchapakazi lakini mrasimu. Hapendi vijana na azma yao ya kuchukua hatua wenyewe



Mwalimu Mkuu

Rafiki wa Bonge anayeamua kuchukua hatua ya kushirikiana na vijana na wanajamii ili kuboresha elimu shuleni



Bibi

Bibi yake Bibiye, anayewaunganisha wanawake ili kuchukua hatua za kuboresha hali ya elimu



Loh! Huyu mwalimu mkuu mpya kiboko kweli. Mpaka anatarifu sisi wazazi.


Mmh! Magumashi hayo! Ona ruzuku inavyoshuka.

RUZUKU KWA MIKA MITANO ILIYOPITA

[Grid of 10 small white notices]

Yaani serikali inaleta hela kidogo namna hiyo? Warakula tu!






Haya, na matokeo ya yale majaribio ya kusoma na kuhesabu yaliyofanywa na Shirika la Uwezo, Tanzania tuko wa mwisho. Hata kwa Kiswahili, Wakenya wametushinda.

Mmh! Watoto hawajifunzi chochote. Hata watoto wa darasa la saba hawawezi kujibu maswali ya darasa la pili. Si aibu hiyo!





Bora mwanangu
alime kuliko...

Hapana baba.
Tukishirikiana
tunaweza kubadili
hali hii.

Karibu tunywe
mwalimu.






BAADA YA WIKI MOJA

Mwalimu mkuu
amesema ukweli
kabisa.

Na katika hizo
kuna mgawanyo.




Na kitabu kimoja
si chini ya shilingi
elfu tatu. Mwalimu
atanunua wapi?



Kama serikali haitaki watoto wetu wasome, basi. Waache wasomeshe wa kubo tu.


Jamani mimi mtoto wenu si nilisoma hapa! Hebu tuchange kidogo. Mabadiliko ni sisi pia, tuisubiri serikali.

Tumechoka na michango. Kama serikali haitimizi wajibu wake basi na sisi hatuma. Tuondoke!



Sikiliza Bonge. Nilifurahi
sana kurudi nyumbani.
Lazima watoto wetu
wapate elimu. Lakini
ona hali hii.

Kweli kazi unayo Bwana.
Si unaona wazazi
wenyewe?



Lakini tuache mambo
yalivyo? Lazima
tubadilishe hali.

Na ruzuku?
Ahadi kibao utoaji
dafrao!

Hapo sasa. Serikali
kama baba wa nyumbani!
Lakini hakuna kulala...





Wewe si unajua mwanangu. Mbona baba yako hakushughulikii.


Najua mama. Lakini sasa tuna mwalimu mpya mzuri, mbona hatutaki kumwunga mkono?



Lakini si hivi tu. Akina mama
tuchangie chakula cha shule
maana tunaona watoto
wanadhoofika kwelikweli.


Enhee. Na siku ile ya
kukabidhi mihango
wawepo maafisa elimu
tuwape ukweli wao.






Lakini we mwanangu,
mkorofi sijawahi kuona.
Hufai kabisa.

Nafaa sana. We anza na
akina mama, mimi
nitawahimiza vijana.







Nawashukuru wote kwa
kazi yenu kubwa. Michango
yenu huleta uhai wa shule
na uhai wa watoto
wetu.

Makofi na vigelegele!
Mheshimiwa Afisa
Elimu umezona?

Sasa kabla ya kumkaribisha
mgeni rasmi, tutapata wimbo.


Shule yetu yafanana na gari.
Bila petroli haiendi mbali.
Michango yetu yaweza kuwa oili.
Petroli ruzuku ya serikali.

Nawapongeza sana kwa kazi hii nzuri. Ni mfano mzuri kwa watu wote. Na upande wetu serikali inajitahidi...

Kujitahidi si ahadi. Tumetoa na sisi ili na nyinyi mtekeleze ahadi zenu.







Gari haliwezi kwenda
kwa ahadi ya petroli tu.


Tunawagawia
tunachokipata.

Tunashukuru. Lakini kama
baba, serikali lazima
iambiwe kwamba haitoshi.

Tunabishana nini? Tunapurahi kwamba tuna pesa za kuwalisha wanafunzi wetu. Hakuna kulala darasani tena. Sasa wapate pia vitabu. Kidole kimoja hakivunji chawa.



Nilinunua daftari lenye yale majaribio ya Uwezo. Nitawapa nakala ili tuwe tunawapima watoto wetu sisi wenyewe.



Je wajua?

Shule za msingi na za sekondari za umma zinapaswa kupokea ruzuku kila mwaka. Ruzuku hii inatolewa kulingana na idadi ya wanafunzi. Kwa mwaka:

- Shule za msingi zinapaswa kupata 10,000/- kwa kila mwanafunzi
- Shule za sekondari zinapaswa kupata 25,000/- kwa kila mwanafunzi

40% ya ruzuku hii inapaswa kutumika kununua vitabu vya kila somo. Pesa zinazobaki zinatumiwa kwa ajili ya zana za kufundishia, ukarabati mdogomdogo, utawala na gharama za mitihani.

Pesa hii si ya siri. Mwalimu mkuu wa kila shule ya umma anapaswa kubandika mapato na matumizi ya ruzuku kwenye ubao wa shule ili wanafunzi na wazazi wote waweze kusoma.

Katika hali ya sasa, shule nyingine bado hazipokei fedha ya ruzuku kwa mwaka, na hata hizo ambazo zinapokea zinapata kiasi kidogo sana kulinganisha na kile ambacho kimeahidiwa. Kwa wastani kwa miaka minne iliyopita, shule zimepokea kama 2000/- kwa kila mwanafunzi kila mwaka. Ndiyo maana maendeleo ya mashule ni haba.



Tufanyeje?

Tukizingatia umuhimu wa ruzuku katika maendeleo ya watoto wetu shuleni, ni wajibu wetu kuhakikisha kwamba shule zinapata ruzuku hii.

- Tufuatilie kama pesa za ruzuku zinafika shuleni kwetu.
- Tukague mbao za matangazo shuleni kuona kama taarifa ya ruzuku imewekwa hadharani.
- Tuwahoji walimu wetu na viongozi juu ya pesa hizi na tujadili pamoja ili tuamue tufanye nini.
- Tujitoe pia kwa hali na mali kuhakikisha kuwa watoto wetu wanapata elimu bora.
- Tukague madaftari ya watoto wetu, tusome pamoja nao na tuwapime sisi wenyewe kujua kama wanajifunza au la.

Kumbuka:
MABADILIKO NI SISI!

Je, umewahi kufanya jambo lolote la kishujaa kama Bonge na Bibie?

Au unamfahamu mtu mwingine aliyefanya kitu cha kipekee kuisaidia jamii yake?

Kama jibu ni ndiyo, tungependa utusimulie!

Tafadhali tutumie hiyo stori yako iliyoleta mabadiliko hapo unapoishi au iliyotokea mahali pengine.

Tunaweza kuitumia stori yako kuandaa vijitabu au vipindi vya Televisheni na redio ili kuelimisha wengine. Usikose kutumia fursa hii!

Anuani:

Barua: Twaweza-Shujaa, S.L.P 38342, Dar es Salaam

Barua-pepe: shujaa@twaweza.org

Simu: Tuma ujumbe mfupi (SMS) bure ukijumuisha neno SHUJAA kwenda **namba 15381**